



FEDERACIÓN GALEGA  
DE BALONCESTO

## VI CONCURSO DE DESEÑO “O BALONCESTO E O NADAL”

A **Federación Galega de Baloncesto** convoca a **VI edición do Certame de DESEÑO “O Baloncesto e o Nadal”**, actividade que promove a **creación da Postal de Nadal que a Federación Galega de Baloncesto enviará durante esas datas festivas para felicitar a todos os clubs, institucións e afeccionados**. Así como para ubicar na súa web oficial ([www.fegaba.com](http://www.fegaba.com)) durante ese tempo.

Para participar é preciso enviar unha obra e deseño persoal que reúna os **REQUISITOS** que a continuación se estipulan:

Poderán presentar os seus deseños e traballos todos aqueles xogadores e xogadoras federados, que pertencen **ás categorías dende Preminibasket ata Cadete**, e que desexen expresar as súas inquedañas cara a pintura e o deseño **relacionando dúas temáticas: O Baloncesto e a festividade de NADAL**.

Os xogadores e xogadoras que desexen participar poderán enviar á Federación Galega de Baloncesto a súa creación. **Esta poderá estar realizada a man ou mesmo a través de ordenador, en Branco e Negro ou a Cor**.

O tamaño máximo **do traballo será DIN A4, podendo presentarse en menor tamaño se así se desexa**. O material do mesmo poderá ser todo aquel tipo de papel que se axuste ás condicións indicadas.

Os traballos presentados terán que entregarse nun sobre pechado no que se introduza a obra a concurso e no que se especifique o título da mesma e os datos persoais e propios do participante (DNI, nome completo, idade, dirección e club ao que pertence).

O sobre anteriormente citado deberá presentarse en persoa na Delegación FGB Zonal correspondente a cada participante, ou ben, a través do correo, na sede central da FGB en Santiago (Estadio Multiusos de San Lázaro, Porta 14. C.P.15707. Santiago de Compostela. A Coruña)

### **Data de entrega**

A data límite para facer efectiva esta **entrega será a do día 14 de decembro de 2015.**

### **Premios – Agasallos**

- A Federación Galega de Baloncesto galardoará ao 1º premio con:
- *Pack de roupa oficial da Federación Galega de Baloncesto valorado en 85 euros.*
- *Táboa electrónica cortesía de “la Caixa”*
- *Auriculares cortesía de CENOR*
- *Balón oficial Molten*
- *Libro “50 anos do Baloncesto en Galicia”*

A Federación Galega de Baloncesto galardoará ao 2º premio con:

- *Sudadeira e Camiseta oficial “FGB”, valoradas en total en 40 euros.*
- *Táboa electrónica, cortesía de CENOR.*
- *Balón oficial Molten*
- *Libro “50 anos do Baloncesto en Galicia”*

*Así mesmo, todos os participantes neste VI Concurso de Deseño “O Baloncesto e o Nadal” recibirán o agasallo dun balón, como mostra e recoñecemento ao seu esforzo.*

## **Concesión e Publicación**

A concesión do primeiro premio farase baixo a responsabilidade dun xurado composto polo Presidente da FGB, o Vicepresidente da FGB, e o responsable do departamento de comunicación.

A elección e concesión do segundo premio realizarase mediante a súa exposición pública na red social Facebook e o conseguinte voto dos seguidores da Federación Galega de Baloncesto nesta plataforma. A postal que máis “me gusta” reciba, será a merecedora deste galardón.

**A publicación dos galardóns farase efectiva o día 18 de decembro de 2015.**

**A participación no VI Concurso de Deseño “O Baloncesto e o Nadal” implicará a cesión do uso público do deseño dos mesmos á Federación Galega de Baloncesto.**

A Federación Galega de Baloncesto resérvase o dereito de declarar deserto o resultado do concurso, así como o seu premio, se a calidade dos traballos recibidos non se axusta a un criterio lóxico mínimo.

*Santiago de Compostela, 17 de novembro de 2015*